

ثقافة الأهل الزمالك

بقلم/ أحمد فهمي

ثقافة الأهل الزمالك

ثقافة الرأي الواحد والفكر الواحد والفريق الواحد

ثقافة أنت معايها ولا مع التانيين

لو معايها تبقى موافقتي في كله , لو مخالفتي في حاجة واحدة بس تبقى منافسي واحتمال عدوى

ثقافة الأبيض والأسود , لا مفيش رمادي ولا اخضر ولا ازرق

ثقافة انى عاوز اكسب وخلص , ده الهدف مش مصلحة البلد الهدف

ثقافة انى عاوز ديني يجيب الجون ويكسب والاخر يغور على جهنم

انا ثوري يبقى كل الاصلاحيين عبط

انا إصلاحى يبقى كل الثوريين مجانيين

انا ثوري يبقى انت عبد وكنبة

رأيك مش ثوري تبقى فلول

انت غلطان في معلومة دينوية تبقى غبى

لو لأ؟؟... قصدك ان انا اللي غبى؟؟!!

انت غلطان في معلومة دينية تبقى كافر

لو لأ؟؟... قصدك ان انا اللي كافر؟؟!!

ثقافة المعلومة الوحيدة الصحيحة المطلقة اللي في كتاب الوزارة

ثقافة الحل الوحيد لنجاح الثورة

ثقافة تنظر الى العالم بتليساكوب

ثقافة تنظر الى الحياة بعقل قفل

ثقافة العصبية والقبلية

ثقافة التطرف والتأليه

ثقافة الشخصنة

ثقافة اللاموضوعية

ثقافة اللامنطقية

ثقافة العناد

ثقافة الغباء

ثقافة المطلق في كون نسبي